



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuiſimiè explicantur

Gavanti, Bartolommeo

Antverpiæ, 1634

De defectibus formæ. V.

urn:nbn:de:hbz:466:1-40262

ad speciem deficientem. Quod si expectando aliquamdiu haberi posse sit, expectandum erit, ne Sacrificium remaneat imperfectum.

u Si nullo modo haberi possit.] Imò si difficillimo modo haberi possit, & notabilis inde oriretur offendio populi, Missa absoluenda erit absque materia deficiente, sive Hostiæ, sive vini; quia maioris est vinculi Ius naturale quam diuinum scriptum, aut posituum,
Azor. lib. 10. cap. 35. quast. 6.

An verò Summus Pontifex possit relaxare Ius diuinum ad effectum, ut Sacerdos ob ingentem necessitatem in solo pane sine vino sacrificet? Azor. lib. 10. cap. 19. quast. 3. vers. Secundum est, putat probabilem affirmatiuā sententiam, ob publicam necessitatem, & grauem. Probabiliorē negatiuam docet Suar. disp. 43. sect. 4.

Quare potest in prædictis casibus de aqua, quæ, ob breuissimum tempus ab infusione eiusdem in Calicem usque ad Calicis consecrationem, non potest conuersti in vinum, ut alias dicitur, An remaneat aqua mixta spe-

ciebus vini; an verò & ipsa statim immediatè transsubstanciantur in Sanguinem Christi? sed, quidquid sit de conuersione aquæ in vinum, de qui disputant Philosophi, quam tamē affirmant SS. Patres & Theologi Scholastici, si ob angustiam temporis non fiat conuersio, non putamus absurdum, quod remaneat aqua substantialiter aqua, cum non sit neque materia, neque commateria immediata Sacramenti; sed ea solùm infunditur ad mysterium unionis populi cum Christo, ut suo loco diximus. Neque ideo adoramus aquam, sed Christum sub specie vini aqua permixti: sicuti neque si cadat in Calicem musca, eam dicimus adorare. Scriptere de hac re fuisus Paulus Arelitus Episcopus Derthonensis, & in oppositam sententiam Hyacinthus Petronius Magister sacri Palati, nunc Episcopus.

De defectibus formæ. V.

Defectus ex parte formæ possunt contingere, si aliquid defit ex parte ad integratatem verborum in ipsa consecratione requiruntur. Verba autem consecrationis, quæ sunt forma huius Sacramenti, sunt haec: Hoc est enim corpus meum. Et, Hic est enim calix Sanguinis mei, noui & aterni testamenti, mysterium fidei, qui pro vobis & pro multis effundetur in remissionem peccatorum. Si quis autem aliquid diminueret, vel immutaret de forma consecrationis Corporis & Sanguinis, & in ipsa verborum immutatione verba idem non significarent, non conficeret Sacramentum. Si verò aliquid adderet quod significationem non mutaret, conficeret quidem, sed grauissimè peccaret.

Notanda est hoc loco singularis doctrina Suar. 3. par. disp. 85. sect. 1. Secundo, quod si contingat defectus es-

fentialis in forma, vel in altera, vel in utraque, nempe cum mutatione sensus verborum consecrationis, ita randa est confe-

consecratio, ut perficiatur Sacrificium; & si contingat id cognosci post sumptionem Corporis, vel speciei non ritè consecratæ, iteranda est item talis consecratio, apposita materia quæ non fuit consecrata, *iuxta Rubric. sup. tit. 4. num. 5. & titulo 3. num. 6.* quia eadem est ratio ineptæ in materia, & materia sine forma. Imò etiam, si id contingat fieri ex malitia ministri mutantis formam, vel non habentis intentionem, nihilominus debet post sumptionem supplere defectum, pœnitendo de priori culpa quam commisit, & reuerenter supplendo, ut dictum est.

2 Si Celebrans non recordetur se dixisse ea quæ in consecratione communiter dicuntur, non debet propterea turbari. **3** Si tamen certò ei constet, se omisisse aliquid eorum quæ sunt de necessitate Sacramenti, id est, formam consecrationis, seu partem, resumat ipsam formam, & cetera prosequatur per ordinem. **3** Si verò valde probabiliter dubitat, se aliquid essentialiale omisisse, iteret formam, saltē sub tacita conditione. **4** Si autem non sunt de necessitate Sacramenti, non resumat, sed procedat ulterius.

Prima pars est sancti Thom. sup. artic. 6. ad 5. Altera pars est eiusdem ibidem. Sed cùm hic dicatur, resumat ipsam formam, quid resumentum erit: sane verba ea tantum, quæ supra num. 1. huius tituli posita sunt tamquam essentialia formæ, quidquid dicant Ang. Palud. & Scoti. ita Suar. loc. citato. In tertia parte Rubricæ, quæ est communis, eo mo-

Quod si defectus accidat in utraque specie, & iam utramque sumpsit, nou est quod suppleat; quia Sacrificium nullum fuit, sed totum fictum, & eo casu nullum est præceptum de faciendo vero Sacrificio, neque de supplendo quod non est incepsum, neque ex parte: & obligat tunc aliud præceptum de non sacrificando, fracto ieiunio.

Porro S. Thom. q. 78. art. 3. vult, excepto enim, omnia verba formarum prædictarum esse de essentia Sacramenti; communior autem antiquorum sententia est, ea non esse. Vide Suar. disp. 60. scđt. 1.

do tollitur dubium, & periculum iterandi consecrationem super materiam consecratam. Quarta pars patet, & confirmat secundam partem huius Rubricæ, de non resumento, nisi essentialia formæ.

Ceterum non est necesse in prolatione formæ, ut sonus verborum attingat Hostiam, vel Calicem, Suar. disp. 45. scđt. 5.

De defectibus Ministri. VI.

Defectus ex parte Ministri, possunt contingere quoad ea quæ in ipso requiruntur. Hec autem sunt: In primis intentio, deinde dispositio animæ, dispositio corporalis, dispositio vestimentorum, dispositio in ministerio ipso, quoad ea quæ in ipso possunt occurtere.